

Յայնժամ զղրկեցաւ քաղաքն ամենայն, և իսկոյն ի վայրկեան ժամանակի խմբեցան անդ զօրք և զօրազուլսք, վաճառականք և արհեստաւորք, տեղականք և եկամուտք, որք յօրէնս Մահմատի էին՝ յարքունիս զիզեցան: Եւ որք էին ի վերայ մանսուպից և փառաց, որ վերասացաւ, երկեան ի գնալն ի համաժողով հանդէսն, և կամ թէ՛ չհամարեցան ինչ լինել բանին յառաջելոյ: Եւ որք էին անդ, ոչ եկելոցն հայ և անհաւատ ասացին՝ համբաւ հանեալ: Եւ հաւանեալ ամբօխն վէզիրին և որք գտան անդ ի դազլիցն՝ զազի էսքէր արար (ուրապ) և զՊուռնագ Հօճա զատէն՝ ի Պուրսայոյ մանզուլ ի ժամանակէ Ղարա Մուստաֆին՝ վասն քակելոյ զեկեղեցին Հայոց ի Պըրուսայ, գնալ Անատոլի (Ղազի էսքէր) արար: Եւ սպան զորս և կամէր. նախ՝ զթախլիսճի թագաւորին, և զՄէլէկն աքսորեաց իւրայնօքն հանդերձ. այս եղև Օլոստոս ամսոյ ԺԱ.ն:

Եւ խորհէր զցայգ և զցերեկ քաջասիրտն Սիաւուշ, նաև մեծաւ հնարիւք սպան զմայր թագաւորացն Օսմանին, Մուրատին և Իպրահիմին, որ էր կին Սուլթան Ահմէտին, որ էր մեծահանճար կին, որ Քեօսէմ ասէին, զի սոքօք վարէր թագաւորութիւն որդոցն և ի բազում վրդովմանց և ի խռովութեանց էր ազատեալ: Բայց Սիաւուշս գողացեալ զմիտս արքայի և ևս խրատիւ մօրն, զի իւր լիցի ամենայն փառք և շարժեսցի որպէս և կամեսցի, զի ի կենդանութեան նորա մտեալ էր սալ ի տուն և կարդայր զօրհանապագ՝ սօֆի հանեալ զանունն և սգաւոր ի վերայ առն իւրոյ Իպրահիմին. զայս արար զի սկսեսցի զիւրն, որպէս ասացաւ: Սպանիլ վալիտէին մեծի՝ յՕղոստոս ԻՖ եղև: Եւ ի սոյն աւուրս սպան զպօստանճի պաշին, զխաս օտայ պաշին, զզզլար աղասին, զքեհեայ մեծ վալիտին և որք էին սիրելիք և ներքինիք և գանձա-